

四庫全書

集部

欽定四庫全書

御定全唐詩卷三百五十四

集部

詳校官庶吉士臣胡 鈺

主事銜臣徐坤覆勘

總校官知縣臣繆 琪

校對官學正臣李 巖

謄錄監生臣于希賢

欽定四庫全書

御定全唐詩卷三百五十四

劉禹錫

劉禹錫字夢得彭城人貞元九年擢進士第登博學宏詞科從事淮南幕府入為監察御史王叔文用事引入禁中與之圖議言無不從轉屯田員外郎判度支鹽鐵案叔文敗坐貶連州刺史在道貶朗州司馬落魄不自聊吐詞多諷託幽遠蠻俗好巫嘗依騷人之旨倚其聲

作竹枝詞十餘篇武陵谿洞間悉歌之居十年召還將  
置之郎署以作玄都觀看花詩涉譏忿執政不悅復出  
刺播州裴度以母老為言改連州徙夔和二州久之徵  
入為主客郎中又以作重游玄都觀詩出分司東都度  
仍薦為禮部郎中集賢直學士度罷出刺蘇州徙汝同  
二州遷太子賓客分司禹錫素善詩晚節尤精不幸坐  
廢偃蹇寡所合乃以文章自適與白居易酬復頗多居  
易嘗叙其詩曰彭城劉夢得詩豪者也其鋒森然少敢

當者又言其詩在處應有神物護持其為名流推重如此會昌時加檢校禮部尚書卒年七十二贈戶部尚書詩集十八卷今編為十二卷

團扇歌

團扇復團扇奉君清暑殿秋風入庭樹從此不相見上有乘鸞女蒼蒼蟲網一作網蟲遍明年入懷袖別是機中練

宜城歌

野水繞空城行塵起孤驛荒

一作花

臺側生樹

一作柏

石碣

陽鎬額靡靡度

一作渡

行人溫風吹宿麥

順陽歌

朝辭官軍驛前望順陽路野水齧荒墳秋蟲鏤官

一作官

樹曾聞天寶末胡馬西南驚城守魯將軍拔城從此去

莫徭

一作徭歌

莫徭自生長名字無符籍市易雜鮫人婚姻通木客星  
居占泉眼火種開山春夜渡千仞谿含沙不能射

度桂嶺歌

桂陽嶺下下復高高人稀鳥獸駭地遠草木豪寄言千  
金子知余歌者勞

插田歌 并引

連州城下俯接村墟偶登郡樓適有所感遂書其  
事為俚歌以俟采詩者

岡頭花草齊燕子東西飛田塍望如線白水光參差農  
婦白紵裙農父綠蓑衣齊唱郢一作田中歌嚶嚶如竹枝

但聞怨響音不辨俚語詞時時一大笑此必相嘲嗤水

平苗漠漠煙火生墟落黃犬往復還赤雞鳴且啄路旁  
誰家郎烏帽衫袖長自言上計吏年幼離帝鄉田夫語  
計吏君家儂定諳一作記一來長安道眼大不相參計  
吏笑致辭長安真大處省門高軒我儂入無度數昨來  
補衛士唯用筒竹布君看二三年我作官人去

葡萄歌

一作蒲桃

野田生葡萄纏繞一枝高一作蒿移來碧墀下張王日日

高分歧浩鯨縲脩蔓蟠詰曲揚翹向庭柯意思如有屬

為之立長檠

一作架

布濩當軒綠米

一作朱

液漑其根理疎

看溲漉赫葩組綬結懸寶珠璣  
威馬乳帶輕霜龍鱗曜

初旭有客汾陰至臨堂瞪雙目  
自言我晉人種此如種

玉釀之成美酒令人飲不足為君持  
一斗往取涼州牧

### 蠻子歌

蠻語鉤輞音

一作鉤輞語音蠻

一作蠻身

衣斑斕布重狸

一作孤

掘沙鼠時節祠盤瓠忽逢乘馬客  
恍若驚麇

一作麇

顧腰斧上高山意行無舊路

馬嵬行

綠野扶風道黃塵馬嵬驛路邊楊貴人墳高三四尺乃

問里中兒皆

一作革

言幸蜀時軍家誅戚族

一作倭倖

天子捨

妖姬羣吏伏門屏貴人牽帝衣低回轉美目風日為無

暉貴人飲金屑倏忽舜

一作舜

英暮

一作姿

平生服杏

一作古

丹顏色真如故屬車塵已遠里巷來窺覷共愛宿妝妍

君王畫眉處履綦無復有履組光未滅不見巖畔人空

見凌波襪郵童愛踪跡私手解鞶結傳看千萬眼縷絕

香不歇指環照骨明首飾敵連城將入咸陽市猶得賈  
胡驚

百花行

長安百花時風景宜輕薄無人不沽酒何處不聞樂春  
風連夜動微雨凌曉濯紅焰出牆頭雪光映樓角繁紫  
韻松竹遠黃繞籬落臨路不勝愁輕煙去何託滿庭蕩  
魂魄照廡成丹渥爛漫簇顛狂飄零勸行樂時節易晚  
晚清陰覆池閣唯有安石榴當軒慰寂寞

壯士行

陰風振寒郊猛虎正咆哮徐行出燒地連吼入黃茅壯  
士走馬去鎧前鸞玉弮叱之使人立一發如鉞一作  
鼓交

悍睛忽星墮飛血濺林梢彪炳為我席羶腥充我庖里  
中欣害除賀酒紛叟號明日長橋上傾城看斬蛟

苦雨行

悠悠飛走情同樂在陽和歲中三百日常恐一作  
苦風雨

多天人信遐遠時節易蹉跎洞房有明燭無乃一作  
妨酣

且歌

華山歌

洪壚作高山元氣鼓其橐俄然神功就峻拔在寥廓靈  
跡露指爪殺氣見稜角凡木不敢生神僊聿來託天資  
帝王宅以我一作此為關鑰能令下國人一作不見換神  
骨高山固無限如此方為嶽丈夫無特達雖貴猶碌碌

拋毬樂詞

五綵繡團圓登君璫瑁筵最宜紅燭下偏稱落花前上

客如先起應須贈一船

春早見花枝朝朝恨發遲及看花落後却憶未開時幸

有拋球樂一杯君一作更莫辭

華清詞

一作華  
清宮詞

日出驪山東  
裴回照溫泉  
樓臺影一作相玲瓏稍稍開  
白

煙言昔太上皇常居此  
祈年風中聞清樂  
往往來列仙

翠華入五雲  
紫氣歸上玄  
哀哀生人淚  
泣盡弓劍前  
聖

道本自我凡情徒  
顯然小臣感玄化  
一望青冥天

送春曲三首

春向晚春晚思悠哉風雲日已改

一作故

花葉自相催漠

漠空中去何時天際來

春已暮冉冉如人老映葉見殘花連天是青草可憐桃

與李從此同桑棗

春景

一作竟

去此去何時回遊人千萬恨落日高臺寂

寞繁花盡流鶯歸莫來

一作不歸

初夏曲三首

銅壺方促夜斗柄暫南回稍嫌單衣重初憐北戶開西  
園花已盡新月為誰來

時節過繁華陰陰千萬家巢禽命子戲園果墜枝斜寂  
寞孤飛蝶窺叢香晚花

綠水風初暖青林露早晞麥隴雉朝雊桑野人暮歸百  
舌悲花盡平蕪一作無聲來去飛一作絕無

擣衣曲

爽砧應秋律繁杵含淒風一一遠相續家家音不同戶

庭凝露清伴侶明月中長裾委襞積輕珮垂瓊瓏汗餘  
衫更馥鈿移麝半空報寒鷲邊鴈促思聞候蟲天狼正  
芒角虎落定相攻盈筐寄何處征人如轉蓬

畬田行

何處好畬田團團縵山腹鑽龜得兩卦上山燒卧木鷲  
磨走且顧羣雉一作雞聲咿啞紅焰遠成霞輕燥一作燥飛

入郭風引上高岑獵獵度青林青林望靡靡赤光低復  
起照潭出老蛟爆竹驚山鬼夜色不見山孤明星漢間

如星復如月俱逐曉風滅本從敲石光遂至烘天熱下

種暖灰中乘陽拆牙一作芽孽一作藥蒼蒼一雨後若穎如

雲發巴一作幾人拱手吟耕耨不關心由來得地勢徑寸

有餘金一作陰

鷓鴣吟

朝陽有鳴鳳不聞千萬祀鷓鴣催衆芳晨間先入耳秋  
風白露晞從是爾啼時如何上春日唧唧滿庭飛

觀雲篇

興雲感陰氣疾足

一作走

如見機晴來意態行有若功成

歸葱籠含晚景潔白

一作素

凝秋暉夜深度銀漠漠仙

人衣

養鷲詞

并引

途逢少年志在逐獸方呼鷹隼以襲飛走因縱觀  
之卒無所獲行人有常從事於斯者曰夫鷲禽飢  
則為用今哺之過篤故然也予感之作養鷲詞

養鷲非玩形所資擊鮮力少年昧其理日日

一作夜

哺不

息探雛網黃口旦暮有餘食寧知下韝時翅重飛不得  
錕緹止林表狡兔自南北飲啄既已盈安能勞羽翼

別友人後得書因以詩贈

前時送君去揮手青門橋路轉不相見猶聞馬蕭蕭今  
得出關書行程一作塵日已遙春還遲君至共結一作纈芳

蘭茗

送華陰尉張茗赴邕府使幕

張即燕公之孫  
頃坐事除名

昔忝南宮郎往來東觀頻嘗披燕公傳聳若窺三辰翊

聖崇國本像

一作保

賢正朝倫高視緬今古清風夔無鄰

蘭錡照通衢一家十朱輪鄴國嗣侯絕韋卿世業貧夫

子承

一作成

大名少年振芳塵青袍仙掌下矯首凌煙旻

公冶本非罪潘郎一為民風霜苦搖落堅白無緇磷一

旦逢良時天光燭幽淪重為長裾客佐彼觀風臣分野

窮禹畫人煙過虞巡不言此行遠所樂相知新雨起巫

山陽鳥鳴湘水濱離筵出蒼莽別曲多悲辛今朝一杯

酒明日千里人從

一作彼

此孤舟去悠悠天海春

送湘陽熊判官孺登府罷歸鍾陵因寄呈江西

裴中丞二十三兄

射策志未就從事歲云除  
篋留馬卿賦袖有劉弘書  
忽見夏木深悵然憶吾廬  
復持州民刺歸謁專城居  
君家誠易知勝絕傾里閭  
人言北郭生門有卿相與  
鍾陵靄一作藹千里帶郭西  
江水朱檻照河宮旗亭綠  
雲裡前年一作來初缺守  
慎簡由宸宸臨軒弄郡章  
得人方付此是時左馮翊  
天下第一理貴臣持牙璋  
優詔發青紙迎風

姦一作汚吏免先令疲人喜何武劾腐儒陳蕃禮高士昔

升君子堂腰下綬猶黃中丞時為萬年尉汾陰有寶氣赤堇多

竒一作光鉉束簡下曲臺佩鞬來歷陽綺筵陪一笑蘭室

襲餘芳風水忽異勢江湖遂一作遽相忘因君倘一作忽借

問為話老滄浪自注中丞為博士製相國柳宜城謚識者趨之頃授予以其本厥後牧和州

節度使杜司徒以中丞材譽俱高欲令軍裝以重戎府

故授以本州團練使滿座觀腰鞬禮成驩甚相視而笑

後房燕樂卜夜縱談予忝司徒之賓時獲末坐初中丞

自尚書屯田員外郎出守踵其武者今給事中穆公代

給事者右丞段公子不佞繼

右丞之後故曰襲餘芳馬

送韋秀才道冲赴制舉

鷺禽一辭巢棲息無少安秋扇一離手流塵蔽霜紈故  
侶不可追涼風日已寒遠送杜陵士別盡平生歡逐客  
無印綬楚江多芷蘭因居暇時遊一作君時暇遊長缺不復彈

閱書南軒霽

一作際

絙瑟清夜闌萬境身外寂一杯腹中

寬伊昔玄宗朝冬卿冠鴛鸞肅穆升內殿從容領儒

一作

頂高冠游夏無措詞陽秋垂不刊至今羣玉府學者空縱

觀世人希德門揭若攀峰巒之子尚明訓鏘如振琅玕

一旦西上書斑衣拂征鞍荆臺宿暮雨漢水浮春瀾君  
門起天中多士如星攢煙霞覆雙闕拊舞羅千官清漏  
滴銅壺仙廚下雕槃一作盤瑩煌仰金榜錯落濡飛翰古  
來才傑士所嗟遭時難一鳴從此始相望青雲端

送李策秀才還湖南因寄幕中親故兼簡衡州

呂一作李八郎中

深春風日淨晝長幽鳥鳴僕夫前致詞門有白面生攝  
衣相問訊解帶坐南榮端志見眉睫苦一作芳言發精誠

因出懷中文調孤詞亦清悄如促柱弦掩抑多不平乃

言本蜀士世降岷山靈前人秉藝文高視來上京曳綬

司徒府所從信國楨析

一作折

薪委寶

一作空

林善響繼家

一作難繼

聲何處翳附郭幾人思邨成

一作城

雲天望喬木風

水悲流萍前與計吏西始列貢士名森然就筆札從試

春官卿帝城歧路多萬足伺

一作侯

晨星茫茫風塵中工

拙同有營寒女勞夜織山苗榮寸莖侯門方擊鍾衣褐

誰將迎弱羽果摧顏壯心鬱怍怍諒無蟠木容聊復蓬

累行一作生昨日訊靈龜繇言利艱貞當求捨拔中必在

審已明誓將息薄遊焦思窮筆精時蘭在幽渚安得揚

芬馨曰一作嗟余摧落者散質負華纓一聆苦辛詞再動

伊鬱情身棄言不動愛才心尚一作上驚恨無羊角風使

爾化北溟論罷情益親涉旬忘歸程日攜邑中客閒眺

江上城晝憇命金壘宵談轉璿衡薰一作蕙風香麈尾月

露濡桃笙忽被戒羸駮薄言事南征火雲蔚千里旅思

浩已盈湘江含碧虛衡嶺浮翠晶豈伊山水異適與人

事并油幙侶

一作似

昆丘粲然疊瑤瓊庾樓見清月孔坐

多綠醞復有衡山守本自雲龍庭

一作亭

抗志

一作至和

在靈

府發越侔咸英一揮

一作鹿

出滎陽惠彼啗啗氓隼旗辭

灞水居者皆涕零惟昔與伊人交歡經

一作在

宿齡一從

雲雨散滋我鄙吝萌北渚不堪愁南音誰復聽離憂若

去水浩漾無時停嘗聞祝融峰上有神禹銘古石琅玕

姿秘文螭虎形聖功莫遠服神物擁休禎賢人在其下

彷彿疑蓬瀛君行歷郡齋大袂拂雙旌飾容遇朗鑒肝

鬲可以呈昔日馬相如臨卽坐盡傾勉君刷羽翰蚤取  
凌青冥

送張盥赴舉詩并引

古人以偕受學為同門友今人以偕升名為同年  
友其語熟見縉紳者皆道焉余與張盥為丈人由  
是道也曩吾見爾之始生以老成為祝今吾見爾  
之成人以未立為憂吾不幸向所謂同年友當其  
盛時聯袂齊鑣亘絕九衢若屏風然今來落落如

曙星之相望昔日會合不煩異席可長太息哉然  
而尚書右丞衛大受兵部侍郎武廷碩二君者當  
時偉人咸萬夫之望足以訂十朋之多也第如京  
師無騷騷爾無忻忻爾時秋也吾為若叩商之謳  
幸有感夫二君子

爾生始懸弧我作座上賓引箸舉湯餅祝詞天麒麟今  
成一丈夫坎坷愁風塵長裾來謁我自號廬山人道舊  
與撫孤悄然傷我神依依見眉睫嘿嘿含悲辛永懷同

年友追想出谷晨三十二君子齊飛凌煙旻一作冥曲江

一會時後會已凋淪况今三十載閱世難重陳盛時一

已過來者日日新不如搖落樹重有明年春火後見琮

璜霜餘識松筠肅風一作機乃獨秀武部一作抱亦絕倫爾

今持我詩西一作兩見二重臣成賢必念舊保質一作節在

安貧清時為丞郎氣力侔陶鈞乞取斗升水因之雲漢

津

和州送錢侍御自宣州幕拜官便於華州覲省

五綵繡衣裳當年正相稱春風舊一作函關路歸去真多

興蘭陔行可採蓮府猶回瞪楊家紺幘迎侍御即王相公貴塔謝

守瑤華贈宣州崔相公有詩贈行御街草泛灩臺柏煙含凝一作瞑

曾是平生一作遊留無因理歸乘

送僧方及南謁柳員外并序

九江僧方及既出家依匡山一時中頗屬詩以攄

思古詩人暨今號為能賦有輒求其詞吟呻之拳

拳然多多益嗜影不出山者十年嘗登最高峰四

望天海冲然有遠遊之志頓錫而言曰神馳而形  
闕者方內之徒及吾無方闕於何者由是耳得必  
目探之意行必身隨之雲遊鳥企無迹而遠予為  
連州居無何而方及至出裊中詩一篇以貺予其  
詞甚富留一歲觀其行結矩如教益多之一旦以  
行日來告且曰雅聞烏喙之下有賢諸侯願躋其  
門如蹈十地敢乞辭以抵之子唯而賦顧其有重  
請之色見於顏間耳

昔事

一作日

廬山遠精舍虎溪東朝陽照瀑水樓閣虹霓

中騁望羨游雲振衣若秋蓬舊房閉松月遠思吟江風

古寺歷頭陀奇峰拔

一作攀

祝融南登小桂嶺却望歸塞

鴻衣裊貯文章自言學雕蟲捨榆念陵厲覆箬圖

一作而

穹崇遠郡多暇日有詩訪禪宮石門聳

一作崇

峭絕竹院

舍空濛幽響滴巖溜晴芳飄野叢海雲懸颯母山果屬

狙

一作後

公忽憶吳興郡白蘋正惹龍願言挹風采邈若

窺華嵩桂水夏瀾急火山宵

一作燒

焰紅三衣濡菌露一

錫飛煙空勿謂翻譯徒不為文雅雄古來賞音者燿爨

得孤桐

按祖公宜斥賦芋者而越絕書有撥公張衡賦南都有撥父長嘯之句絲是而言謂撥為公舊

矣

送惟良上人

并引

以貌窺天者曰乾然健單于然而高以數迎天者  
曰其用四十有九天果以有形而不能脫乎數立  
象以推筮既成而遺之古所謂神交造物者非空  
言耳軒皇受天命其佐皆聖人故得之惟唐繼天

德如黃帝有外臣一行亦聖之徒與刊歷考元書  
成化去今丹徒人惟良生而能知非自外求以乾  
坤之筭當十期之數凝神運指上感躔次視玄黃  
溟滓無倪有常絕機泯知獨以神會數起於復之  
初九音生於黃鍾之宮精微本隱言與化合夫天  
人之數極而含變變而靡不通神趨鬼懾不足駭  
也惟良得一行之道故亦慕其為外臣謬謂余為  
世間聰明子子來訪初以說合至於不言言息而

理冥復申之以嗟嘆曰師其庶幾乎信神與之而不能測神之所以付信術通之而不能知術之所  
以淺哉余聞乎曾井蛙醯雞之不若也長慶四年  
冬十一月甲子語至夜艾遂為詩以志焉

高齋灑

一作映

寒水是夕山僧至玄牝無闕鎖瓊書

一作

拾

文字燈明香滿室月午霜凝地語到不言時世間人

盡

一作自睡

翠微寺有感

吾王昔遊幸離宮雲際開朱旗迎夏早一作涼軒避暑

來湯餅賜都尉寒冰頌上才龍鬣一作不可望玉座生

塵埃

觀柘枝舞二首

胡服何歲徒僂僂一作登綺墀神風獵紅蕖龍燭映一作

然金枝垂帶覆纖腰安鈿當嫵眉翹袖中繁鼓傾眸逆

華棖燕秦有舊曲淮南多冶詞欲見傾城處君看赴節

時

山雞臨清鏡石燕赴遙津何如上客會長袖入華裊體  
輕似無骨觀者皆聳神曲盡回身處一作去層波猶注入

連州臘日觀莫徭獵西山

海天殺氣薄蠻軍步一作部伍囂林紅葉盡變原黑草初

燒圍合繁鉦息禽興大旆搖張羅依道口嗾犬上山腰

猜鷹慮奮迅驚鹿一作磨時跼跳瘴雲四面起臘雪半空

消箭頭餘鵠血鞍傍見雉翹日暮還城邑金笳發麗譙

寄陝州姚中丞時分司東都

八月天氣肅二陵風雨收旌旗闕下未雲日關東秋禹  
跡想前事漢臺餘故閒徘徊襟帶地左右帝王州留滯  
悲昔老恩光榮徹侯相思望棠樹一寄商聲謳

奉酬湖州崔郎中見寄五韻

山陽昔相遇灼灼晨葩鮮同遊翰墨場和樂塤麓然一  
落名宦途浩如乘風船行當良暮日卧理淮海邊一作  
猶期謝病後共樂桑榆年

學阮公體三首

少年負志氣，信道不從時。只言繩自直，安知室可欺。百

勝難慮敵。

一作慮無敵

三折乃良醫，人生不失意。焉能慕知

幾

朔風悲老驥，秋霜動鷲禽。出門有遠道，平野多層陰。滅  
沒馳絕塞，振迅拂華林。不因感哀節，安能激壯心。

昔賢多使氣，憂國不謀身。目覽千載事，心交上古人。侯  
門有仁義，靈臺多苦辛。不學腰如磬，徒使甑生塵。

秋晚題湖城驛池上亭

秋次池上館林塘照南榮塵衣紛未解幽思浩已盈風  
蓮墜故萼露菊含晚英恨為一夕客愁聽晨雞鳴

賈客詞 并引

五方之賈以財相雄而鹽賈尤熾或曰賈雄則農  
傷予感之作是詞

賈客無定遊所遊唯利并眩俗雜良苦乘時取重輕心  
計析秋毫搖一作搖鉤伴懸衡錐刀既無棄轉化日已盈

邀一作微福禱波神施財遊化城妻約雕金釧女垂貫珠

纓高紕比封君奇貨通倖卿趨時鷲鳥思藏鏹盤龍形  
大艣浮通川高樓次旗亭行止皆有樂關梁自一作無  
征農夫何為者辛苦事寒耕

調瑟詞并引

里有富豪翁厚自奉養而嚴督臧獲力屈形削猶  
役之無執極一無極字一旦不堪命亡者過半追亡者  
亦不來復翁頽沮而追昨非之莫及也予感之作

調瑟詞

調瑟在張弦弦平音自足朱弦二十五缺一不成曲羨  
人愛高張瑤軫再三促上弦雖獨響下應不相屬日暮  
聲未和寂寥一枯木却顧膝上弦流淚難相續

讀張曲江集作

并引

世稱張曲江為相建言放臣不宜與善地多徙五  
溪不毛之鄉及今讀其文自內職牧始安有瘴癘  
之歎自退相守荆門有拘囚之思託諷禽鳥寄詞  
草樹鬱然有騷人風嗟夫身出於遐陬一失意而

不能堪矧華人士族而必致醜地然後快意哉議  
者以曲江為良臣識胡雛有反相差凡器與同列  
密啓廷爭雖古哲人不及而燕翼無似終為餒魂  
豈收心失恕陰謫最大雖二美莫贖邪不然何表  
公一言明楚獄而鍾社四葉以是相較神可誣乎  
予讀其文因為詩以弔

聖言貴忠恕至道重觀身法在何所恨色相一作傷斯為

仁良時難久恃陰謫豈無因寂寞韶陽廟魂歸不見人

偶作二首

終朝對尊酒嗜興非嗜甘終日偶衆人縱言不縱談世  
情閒靜見藥性病多諳寄謝嵇中散予無甚不堪

萬卷堆牀書學者識其真萬里長江水征夫渡要津養  
生非但藥悟佛不因人燕石何須辨逢時即至珍

昏鏡詞

鏡之工列十鏡於賈奩發奩而視其一皎如其九  
霧如或曰良苦一作楷之不侔甚矣工解頤謝曰非

不能盡良也蓋賈之意唯售是念今夫來市者必

歷鑿

一作覽

周昧求與已宜彼故者不能隱芒杪之

瑕非美容不合是用什一其數也余感之作昏鏡

詞

昏鏡非美金漠然喪其晶

一作精

陋容多自欺謂若他鏡

明瑕疵既

一作闇

不見妍態隨意生一日四五照自言美

傾城飾帶以紋

一作綺

繡裝匣以瓊瑛秦宮豈不重非適

乃為輕

詠古二首有所寄

車音想鞞鞞不見綦下塵可憐平陽第歌舞媯青春金  
屋容色在文園詞賦新一朝復得幸應知失意人

寂寥一作冥  
一作寂照鏡臺遺基古南陽一作方真人昔來遊翠

鳳相隨翔目成在桑野志遂貯椒房豈無三千女初心  
不可忘

磨鏡篇

流塵翳明鏡歲久看如漆門前負局人一作生為我一磨

拂萍開綠池滿暈盡金波溢  
白日照空心圓光走幽室  
山神妖氣沮野魅真形出  
却思未磨時瓦礫來唐突

御定全唐詩卷三百五十四

欽定四庫全書

御定全唐詩卷三百五十五

劉禹錫

登司馬錯古城

秦昭王命錯征五溪蠻城在武陵沅江南

將軍將

一作膏

秦師

一作帥

西南奠遐服故壘清江上蒼煙

晦

一作昧

喬木登臨直蕭辰周覽壯前躅塹平陳葉滿墉

高秋蔓綠廢井抽寒菜毀臺生魯

一作槽

穀耕人得古器

宿雨多遺鏃楚塞鬱重巖蠻溪紛詰曲留此數仞基幾

人傷遠目

一作傷  
送目

謁柱山會禪師

我本山東人平生多感慨弱冠遊咸京上書金馬外結  
交當世賢馳聲溢四塞勉修貴及早拙捷一作健不知退

錙銖揚芬馨尋尺招瑕類淹留郢南都一作鄢推顏羽翰

碎安能咎往事且欲去沈痼吾師得真如寄在人窠內  
哀我墮名網有如翺飛輩瞳瞳揭知燭照使出昏昧靜  
見玄關啓歆然初心會夙尚一何微今得信可大覺路

明證入便門通懺悔悟理言自忘處屯道猶春色豈  
吾實慧性非形礙思此靈山期未卜一作來何年載

卧病聞常山旋師策勳宥過王澤大洽因寄李

六侍郎一作御

寂寂重寂寂病夫卧秋齋夜蛩思幽壁槁葉鳴空堦南  
國異氣候火旻尚昏霾瘴煙跼飛羽沴氣傷百骸昨聞  
凱歌旋飲至酒如淮無戰陋丹水垂仁輕棠街清廟既  
策勳圓丘俟燔柴車書一以混幽遠靡不懷逐客顛顛

久故鄉雲雨乖禽魚各有化予欲問齊諧

善卷壇下作

在柱山上

先生見堯心相與去

一作公

九有斯民既已治我得安林數

道為自然貴名是無窮壽瑤壇

一作臺

在此山識者常回首

### 武陵觀火詩

楚鄉祝融分炎火常為虞是時直突煙發自晨炊徒盲

風扇其威白晝曛陽烏操縵不暇汲循牆還

一作寧

避踰

怒如列缺光迅與芬

一作琴

輪俱聯延掩四遠

一作達

赫奕

成洪鑪洵疑雲濤翻颯若鬼神趨當前迎焮鬚是物同  
膏腴金烏入梵天赤龍遊玄都騰煙透窻戶飛焰生樂  
爐火山摧半空星雨灑中衢瑤壇被髹漆膏樹攢珊瑚

光

一作花

縣與琴焦

一作焦琴

旗亭無酒濡市人委百貨邑令

遺雙鳧餘勢下隈隩長燂烘舳艫吹焚

一作焚

照水府灸

浪愁天吳災罷雲日晚心驚視聽殊高灰辨廩庾黑土  
連闐闐衆燼合星羅遊氛鏢人膚厚地藏宿執遙林呈  
驟枯火德資生人庸可一日無御之失其道敲石彌天

隅晉庫走龍劍吳宮傷燕雛五行有沴氣先哲垂訂謨

宋鄭同日起時當賁大夫無苛自可樂弭患非所圖賢

守恤人瘼臨煙駐驪駒弔揚傷一作色慘怛怛一作顏一作

失詞劬愉下令蠲里布指期輕市租閉垣適未立苦蓋

自相娛山木行剪伐江泥宜瑾途塗一作邑魯一作臣不必

曾一作何用徵越巫

崔元受少府自貶所還遺山薑花以詩答之

故人博羅尉遺我山薑花採從碧海上來自謫仙家雲

濤潤孤根陰火照晨葩靜搖扶桑日艷對瀛洲霞世人

愛

一作受

芳

一作苦

辛寒擷忘幽遐傳名入帝里飛驛辭天

涯王濟本尚味石崇方鬪奢雕

一作堆

盤多不識綺席乃

增華驛馬損筋骨貴人滋齒牙顧予藜藿士持此重咨

一作空  
歎嗟

### 途中早發

馬踏塵上霜月明江頭路行人朝氣銳宿鳥相辭去流  
水隔遠村縵山多紅樹悠悠關塞內往來

一作來往

無閒步

和董庶中古散調詞贈尹果毅

昔聽東武吟壯年心已悲如何今濩落聞君辛苦辭言  
有窮巷士弱齡頗尚竒讀得玄女符生當事邊時借名  
遊俠窟結客幽并兒往來長楸一作秋間能帶雙鞬馳崩

騰天竇末塵暗燕南

一作幽

垂燿火入咸陽詔徵神武師

是時占軍幕挿羽揚金羈萬夫列轅門觀射中戟支誓  
當雪國讐親愛從此辭中宵倚長劍起視蚩尤旗介馬  
晨蕭蕭陣雲竟天涯陰風獵一作列白草旗掣光參差勇

氣貫中腸視身忽如遺生

一作曾

擒白馬將虜騎不敢追

貴臣上戰功名姓隨意移終歲肌骨苦他人印纍纍謁  
者既清宮諸侯各罷戲上將賜甲第門戟不可窺昔血  
下沾襟天高問無期却尋故鄉路孤影空相隨行逢里

中舊僕邀

一作宿

昔所嗤一言合侯王腰佩黃金龜問我

何自苦可憐真數竒遲回顧徒御得色懸雙眉翻然悟  
世途撫已昧所宜田園已蕪沒流浪江海湄鷲禽毛翮  
摧不見翔雲

一作高翔

姿哀容蔽逸氣孑孑無人知寂寞草

玄徒長吟下書帷為

一作開

君發哀韻若扣

一作槩若

瑤林枝

有客識其真潺湲涕交頤飲

一作勸

爾一杯酒陶然足自

怡

望衡山

東南倚蓋卑維嶽滑柱石前當祝融居上拂朱鳥翮青  
冥結精氣磅礴宣地脉還聞膚寸陰能致彌天澤

遊桃源一百韻

沅江清悠悠連山鬱岑寂回流抱絕巘皎鏡含虛碧昏

且遁明媚煙嵐分委積香蔓垂綠潭暴龍照孤磧

山下潭名

綠蘿磧名暴龍

淵明著前志子驥思遠蹠

事見陶先生本記

寂寂無何

鄉密爾天地隔金行太元歲漁者偶探蹟尋花得幽踪

窺洞穿暗隙依微聞雞犬豁達值阡陌居人互將迎笑

語如平昔廣樂雖交奏海禽心不憚揮手一來歸故溪

無處覓綿綿五百載市朝幾遷革有路在壺中無人知

地脉皇家感至道聖祚自天錫金闕傳本枝玉函留寶

歷禁山開秘宇復戶潔靈宅

詔隸二十戶免徭以奉灑掃

藥檢香氛

氤氳壇煙暮暮我來塵外躅瑩若朝星折崖轉對翠屏  
水窮留畫鷁三休俯喬木千級扳峭壁旭日聞撞鐘綠  
雲迎躡屐遂登最高頂縱目還楚澤平湖見草青遠岫  
連霞赤幽尋如夢想綿思屬空閒黃綠且忘疲耽玩近  
成癖清猿伺曉發瑤草凌寒坼祥禽舞蕊籠珠樹搖玎  
璫一作璫的璫羽人顧我笑勸我稅歸輶霓裳何飄颻童顏潔  
白皙重巖是藩屏馴鹿受羈勒樓居彌一作通清霄蘿薦  
成翠帝仙翁遺竹杖王母留桃核姮女飛丹砂青童護

金液寶氣浮鼎耳神光生劍脊虛無天樂來僊宰鬼兵  
役丹丘肅朝禮玉札工紉繹枕中淮南方牀下阜鄉鳥  
明燈坐遙夜幽籟聽浙瀝因話近世仙聳然心神惕乃  
言瞿氏子骨狀非凡格往事黃先生羣兒多侮劇警一作  
警然不屑意元氣貯肝膈往往游不歸洞中觀博奕言  
高未易信猶復加訶責一旦前致辭自云仙期迫言師  
有道骨前事常被謫如今三山上名字在真籍悠然謝  
主人後歲當來覲言畢依庭樹如煙去無跡觀者皆失

次驚追紛絡繹日暮山徑窮松風自蕭槭適逢脩蛇見  
瞋目光激射如巖三清居不使恣搜索唯餘步罡勢八  
趾在沙磔至今東北隅表以壇上石列仙徒有名世人  
非目擊如何庭廡際白日振飛翮洞天豈幽遠得道如  
咫尺一氣無死生三光自遷易因思人間世前路何狹  
一一作窄瞥然此生中善祝期滿百大方播羣類秀氣肖  
翕闢性靜本同和物牽成阻阨是非闢方寸葷血昏精  
魄遂令多天傷猶喜見斑白喧喧車馬馳苒苒桑榆夕

共安緹繡榮不悟泥途適紛吾本孤賤世業在蓬掖九  
流宗指歸百氏旁攜撫公卿偶慰薦鄉曲繆推擇居安  
白社貧志傲玄纁辟功名希自取簪組俟揚歷書府蚤  
懷鈇射宮曾發的起草香生帳坐曹烏集柏賜燕聆簫  
韶侍祠閱琮璧嘗聞履忠信可以行蠻貊自述  
古心妄恃干時畫巧言忽成錦苦志徒食蘖平地生峰  
巒深心有矛戟層波一震盪弱植忽淪溺北渚弔靈均  
長岑思亭伯禍來昧幾兆事去空歎息塵累與時深流

一作  
迷希

年隨漏滴才能疑木鴈報施迷夷跣楚奏繫一作鍾儀

商歌勞窳戚稟生非懸解對鏡方感激自從嬰網羅每

事問龜策王正降雷雨環玦賜遷斥一作夷平人

誓將依羽客買山構精舍領徒開講席冀無身外憂自

有間中益道芽期日就塵慮乃冰釋且欲遺姓名安能

慕竹帛長生尚學致一溉一作豈虛擲芝木資糗糧煙

霞拂巾幘黃石履看隨洪崖肩可拍聊復嗟蜉蝣何煩

哀虺蜴青囊既深味瓊葩亦屢摘縱一作無西山資一作

姿猶免長戚戚

客有為余語登天壇遇雨之狀因以賦之

清晨登天壇  
半路逢陰晦  
疾行穿雨過  
却立視雲背  
白日照其上  
風雷走於內  
澗瀆雪海翻  
槎牙玉山碎  
蛟龍露髻鬣  
神鬼含變態  
萬狀互生滅  
百音以繁會  
俯觀羣動靜  
始覺天宇大  
山頂自晶一作激  
明人間已霧霏  
豁然

重昏歛渙若春冰  
潰反照入松門  
瀑流飛縞帶  
遙光泛物色  
餘韻吟天籟  
洞府撞仙鐘  
村墟起夕靄  
却見山下

侶已如迷世代問我何處來我來雲雨外

秋江早發

輕陰迎曉日霞霽秋江明草樹含遠思襟懷有餘清凝  
睇萬象起朗吟孤憤平渚鴻未矯翼而我已遐征因思

市朝人方聽晨雞鳴昏昏戀衾枕安見元氣英

元氣二字一作

天地納爽耳目變玩竒筋骨輕滄洲有竒趣浩然一作蕩吾

將行

有僧言羅浮事因為詩以寫之

君言羅浮上容易見九垓漸高元氣壯洶湧來翼身夜  
宿最高峰瞻望浩無鄰海黑天宇曠星辰來逼人是時  
當朏魄陰物恣騰振日光吐鯨背劍影開龍鱗條若萬  
馬馳旌旗聳瀚淪又如廣樂奏金石含悲辛疑其有巨  
靈怪物盡來賓陰陽迭用事乃俾夜作晨咿喔天雞鳴  
扶桑色昕昕赤波千萬里湧出黃金輪下視生物息霏  
如隙中塵醯雞仰甕口亦謂雲漢津世人信耳目方寸  
度大鈞安知視聽外怪愕不可陳悠悠想大方此乃枯

水濱知小天地大安能識其真

裴祭酒尚書見示春歸城南

一作東

青松塢別墅

寄王左丞高侍郎之什命同作

蚤宦閱人事晚

一作曉

懷生道機時從學省出獨望郊園

歸野約度春水山花映巖扉石頭解金章林下步綠薇

青松鬱成塢脩竹盈尺圍吟風起天籟蔽日無炎威危

徑盤羊腸連甍翬輦飛幽谷響樵斧澄潭

一作江

環釣磯

因高見帝城冠蓋揚光輝白雲難持寄清韻投所希二

公如長離

一作鳳雛

比翼翔太微  
含情謝林壑  
酬贈駢

一作唱

珠璣顧予久郎

一作即

潛愁寂對芳菲  
一聞丘中趣  
再撫

黃金徽

一作再聽  
撫黃金徽

和河南裴尹侍郎宿齋天平寺詣九龍祠祈雨

二十韻

有事九龍廟  
潔齋梵

一作夢

王祠玉簫何時絕  
碧樹空涼

颶吏散埃壒  
息月高庭宇  
宜重城肅穆  
閉澗水潺湲  
時人稀夜復  
間慮靜境亦  
隨緬懷斷鼇  
足凝想乘鸞  
姿朱

明盛農節膏澤方愆期瞻言五靈瑞能救百穀萎咿喔

晨鷄鳴闌干斗柄

一作杓

垂修容謁神像注意陳正詞驚

颺起泓泉若調

一作名

雷雨師黑煙聳鱗甲灑葉如棼絲

豐隆震天衢列缺揮火旗炎空忽淒緊高雷懸縵縻生

物已霽霈濕雲稍離披丹霞啓南陸白水含東菑熙熙

飛走適藹藹草樹滋浮光動宮觀遠思盈川坻吳公敏

於政謝守工為詩商山有病客言賀舒龐着

冬夜宴河中李相公中堂命箏歌送酒

朗朗

琅琅一作琅琅

鷓鴣雞弦華堂夜多思  
簾外雪已深座中人半

醉翠蛾發清響曲盡有餘意  
酌我莫憂狂老來無逸氣

重至衡陽傷柳儀曹

并引

元和乙未歲與故人柳子厚臨湘水為別  
柳浮舟適柳州余登陸赴連州後五年余從故道出桂嶺  
至前別處而君沒於南中因賦詩以投弔

憶昨與故人湘江岼頭別  
我馬映林嘶君馭轉山滅  
馬嘶循古道颿滅如流電  
千里江離春故人今不見

謫居悼往二首

邑邑

一作悒悒

何邑邑長沙地早濕樓上見春多花前恨風

急猿愁腸斷叫鶴病翹趾立牛衣獨自眠誰哀仲卿泣  
鬱鬱何鬱鬱長安遠如日終日念鄉關燕來鴻復還潘  
岳歲寒思屈平顛顛顏殷勤望歸路無雨即登山

有獼吟

有獼得嘉魚自謂天見憐先祭不敢食捧鱗望青玄人

立寒沙上心專眼悵悵

一作服着肩

漁翁以為妖舉塊投其

咽呼兒貫魚歸與獺同烹煎關關黃金鸚大翅搖江煙  
下見盈尋魚投身擘洪連一作連攫拏隱鱗去哺雛林岳  
巔鷓鴣欲伺隙遙噪莫敢前長居青雲路彈射無由緣  
何地無江湖何水無鮪鱣天意不宰割菲祭徒虔虔空  
餘知禮重載在淹中篇

白太守行

聞有白太守拋一作棄官歸舊谿蘇州十萬戶盡作嬰兒  
啼太守駐行舟閭門草萋萋揮袂謝啼者依然兩眉低

朱戶非不崇我心如重狴華池非不清意在寥廓栖  
者竊所一作怪賢者默思齊我為太守行題在隱起珪

樂天寄洛下新詩兼喜微之欲到因以抒懷也

松間風未起萬葉不自吟池上月未來清暉同夕陰宮  
徵不獨運埴篲自相尋一從別樂天詩思日已沉吟君  
洛中作精絕百鍊金乃知孤鶴情月露為知音微之從  
東來威鳳鳴歸林羨君先相見一豁平生心

月夜憶樂天兼寄微之

一作月夜寄  
微之憶樂天

今宵帝城月一望雪相似遙想洛陽城清光正如此知  
君當此夕亦望鏡一作臨湖水展轉相憶心月明一作明月  
一作萬里

早夏郡中書事

水禽渡殘月飛雨灑高城華堂對嘉樹簾廡含曉清拂  
鏡整危冠振衣步前楹將吏儼成列簿書紛來縈言下  
辨曲直筆端破交爭虛懷詢病苦懷律操剽輕閹吏告  
無事歸來解簪纓高簾覆朱閣忽爾聞調笙

訓樂天七月一日夜即事見寄

夜樹風韻清天河雲彩輕故苑多露草隔城聞鶴鳴  
搖落從此始別離含遠情聞君當是夕倚瑟吟商聲  
外物豈不足中懷向誰傾秋來念歸去同聽嵩陽笙

令狐相公見示贈竹二十韻仍命繼和

高人必愛竹寄興良有以峻節可臨戎虛心宜待士  
衆芳信妍媚威鳳難棲止遂於鼙鼓間移植東南美  
封以梁國土澆之浚泉水得地色不移凌空勢方起  
新青排

故葉餘粉籠疎理猶復隔牆藩何因出塵滓茲辰去前  
蔽永日勞瞪視械械林已成熒熒玉相似規摹起心匠  
洗滌在頤指曲直既瞭然孤高何卓爾垂梢覆內屏迸  
笋侵前祀妓席拂雲鬢宿階塵珠履抱琴恣閒翫執卷  
堪斜倚露下懸明璫風來韻清徵堅貞貫四侯標格殊  
百卉歲晚當自知繁華豈云比古詩無贈竹高唱從此  
始一聽清瑤音崢然長在耳

和令狐相公晚泛漢江書懷寄洋州崔侍郎閣

州高舍人二曹長

雨過遠山出江澄暮霞生因浮濟川舟遂作適野行郊  
樹映緹騎水禽避紅旌田夫捐畚插織婦窺柴荆古岸  
夏花發遙林晚蟬清沿洄方翫境鼓角已登城部內有  
良牧望中寄深情臨觴念佳期泛瑟動離聲寂寞一病  
士夙昔接羣英多謝謫仙侶幾時還玉京

和樂天洛城春齊梁體八韻

帝城宜春入遊人喜意長草生季倫谷花出莫愁坊斷

雲發山色輕風漾水光樓前戲馬地樹下鬪雞場白頭  
自為侶綠酒亦滿觴潘園觀種植謝墅閱池塘至閒似  
隱逸過老不悲傷相問焉功德銀黃遊故鄉

洛中早春贈樂天

漠漠復靄靄半晴將半陰春來自何處無迹日以深韶  
嫩冰後木輕盈煙際林藤生欲有託柳弱不自任花意  
已含蓄鳥言尚沈吟期君當此時與我恣追尋翻愁爛  
漫後春暮却傷心

和樂天讌李周義中丞宅池上賞櫻桃花

櫻桃千萬枝，照耀如雪天。  
王孫讌其下，隔水疑仙宿。  
露發清香初，陽動暄妍妖。  
姬滿髻，插酒客折枝傳。同此

賞芳月

一作日

幾人有華筵，杯行勿遽辭。  
好醉逸三年。

訓樂天聞新蟬見贈

碧樹鳴蟬後，煙雲改容光。  
瑟然引秋氣，芳草日夜黃。  
夾道喧古槐，臨池思垂楊。  
離人下憶淚，志士激剛腸。  
昔聞阻山川，今聽同匡牀。  
人情便所遇，音韻豈殊常。  
因之比。

笙竽送我遊醉鄉

和樂天秋涼閑卧

暑退人體輕  
雨餘天色改  
荷珠貫索斷  
竹粉殘粧在高  
僧掃室請逸客  
登樓待槐柳  
漸蕭疎  
閑門少光彩

訓樂天詠老見示

人誰不願老  
老去有誰憐  
身瘦帶頻減  
髮稀冠自偏  
廢書緣惜眼  
多矣為隨年  
經事還諳事  
閱人如閱川  
細思皆幸矣  
下此便翛然  
莫道桑榆晚  
微一作霞尚滿天

歲夜詠懷

彌年不得意，新歲又如何。  
念昔同遊者，而今有幾多。  
以閒為自在，將壽補蹉跎。  
春色無情故，幽居亦見過。

訓牛相公獨飲偶醉寓言見示

宮漏夜丁丁，千門閉霜月。  
華堂列紅燭，絲管靜中發。  
歌眉低有思，舞體輕無骨。  
主人啓醅顏，酣暢泆肌髮。  
猶思城外客，阡陌不可越。  
春意日夕深，此歡無斷絕。

萋兮吟

天涯浮雲生爭蔽  
日光窮巷秋風起  
先摧蘭蕙芳萬  
貨列旗亭恣心注  
明璫名高毀所集  
言巧智難防  
勿謂行大道  
斯須成太行  
莫吟萋兮什  
徒使君子傷

韓十八侍御見示岳陽樓別竇司直詩因令屬  
和重以自述故足成六十二韻

楚望何蒼然  
曾瀾七百里  
孤城寄遠目  
一寫無窮已  
蕩漾浮天蓋  
四環宣地理  
積漲在三秋  
混成非一水  
冬遊見清淺  
春望多洲汜  
沚雲錦遠  
沙明風煙青  
草靡火星忽

南見月硤方東迤雪波西山來隱若長城起獨專朝宗  
路駛悍不可止支川讓其威蓄縮至南委熊武走蠻落

熊武二  
溪名

瀟湘來與鄙炎蒸動泉源積潦搜山趾歸往無

旦夕包含通遠通行當白露時眇視秋光裏曙色未昭  
晰露華遙斐疊浩爾神骨清如觀混元始北風忽震盪  
驚浪迷津溪怒激鼓鏗訇感成山歸碗鷓鴣疑變化罔  
象何恢詭噓吸寫樓臺騰驤露鬢尾景移羣動息波靜  
繁音弭明月出中央青天絕纖滓素光淡無際綠靜平

如砥空影渡鶴鴻秋聲思蘆葦鮫人弄機杼貝闕駢紅

紫珠蛤吐玲瓏文鮪翔旖旎水鄉吳蜀限地勢東南庠

翼軫祭垂精衡巫屹環峙名雄七澤數國辨三苗氏唐

羿斷修蛇荆王憚丁達反青兕秦狩跡猶在虞巡路從此

軒后奏宮商騷人詠蘭芷茅嶺潛相應橘洲傍可指郭

璞驗幽經羅含著前紀觀津一作律戚里族按道侯家子

聯袂登高樓臨軒笑相視假守亦高卧實時權領郡事墨曹正

垂耳韓亦量移江陵法曹契濶話涼溫壺觴慰遷徙地偏山水秀

客重杯盤侈紅袖花欲然銀燈晝相似興酣更抵掌樂  
極同啓齒筆鋒不能休藻思一何綺伊余負微尚夙昔  
慙知己出入金馬門交結青雲士襲芳踐蘭室學古遊  
槐市策慕宋前軍文師漢中壘陋容昧俯仰孤志無依  
倚衛足不如葵漏川空歎蟻幸逢萬物泰獨處窮途否  
鍛翮重疊傷兢魂再三褫蘧瑗亦屢化左閭猶有耻桃  
源訪仙宮薜服祠山鬼故人南臺舊一別如弦矢今朝  
會荆蠻斗酒相宴喜為余出新什笑拊隨伸紙暱若觀

五色歡然臻四莢委曲風濤事分明窮達旨洪韻發華  
鐘淒音激清徵羊濟要聲平共和江淹多雜擬徒欲仰高  
山焉能追逸軌湘洲路四達巴陵城百雉何必顏光祿  
留詩張內史

和柳州楊侍郎翫郡齋紫薇花十四韻

幾年丹霄上出入金華省暫別萬年枝看花桂陽嶺南  
方足奇樹公府成佳境綠陰交廣除明豔透蕭屏雨餘  
人吏散燕語簾櫳靜懿此含曉芳儵然忘簿領紫茸垂

組縷金樓攢鋒穎露溽暗傳香風輕徐就影苒弱多意  
思從容占光景得地在侯家移根近仙井開尊好凝睇  
倚瑟仍回頸遊蜂駐綵冠舞鶴迷煙頂興生紅藥後愛  
與甘棠並不學夭桃姿浮榮在俄頃

春日寄楊八唐州二首

淮西春草長淮水逶迤光燕入新村落人耕舊戰場可  
憐行春守立馬看斜桑

漠漠淮上春莠苗生故壘梨花方城路荻笋蕭陂水高

齋有謫仙坐嘯清風起

訓馮十七舍人宿衛贈別五韻

少年為別日隋宮楊柳陰  
白首相逢處巴江煙浪深  
使星上三蜀春雨霑衣襟  
王程促速意夜語殷勤心  
却歸天上去遺我雲間音

訓湖州崔郎中見寄

風箏吟秋空不肖指爪聲  
高人靈府間律呂伴咸英  
昔年與兄遊文似馬長卿  
今來寄新詩乃類陶淵明  
磨礮

老益智吟詠閒彌精豈非山水鄉蕩漾神機清渚煙蕙  
蘭動溪雨虹蜺生馮君虛上舍待余乘興行

秋日書懷寄河南王尹

公府想無事西池秋水清去年為狎客永日奉高情況  
有臺上月如聞雲外笙不知桑落酒今歲與誰傾

訓留守牛相公宮城早秋寓言見寄

曉月映宮樹秋光起天津涼風稍動葉宿露未生塵星  
景一作氣尚芳麗曠望感心神揮毫成逸韻開閣遲來賓

擺去將相印，漸為逍遙身。如招後房宴，却要白頭人。

海陽十詠 并引

元次山始作海陽湖後之人，或立亭榭，率無指名。及余而大備，每疏鑿構置，必揣稱以標之人。咸曰：有旨異日。遷官裴侍御為十詠，以示余，頗明麗而不虛羨。因拈拾裴詩所未道者，從而和之。

吏隱亭

結構得奇勢，朱門交碧潯。外來始一望，寫盡平生心。日

軒漾波影月砌鏤松陰幾度欲歸去回眸情更深

切雲亭

迥破林煙出俯窺石潭空波搖杏梁日松韻碧窗風隔  
水生別島帶橋如斷虹九疑南面事盡入寸眸中

雲英潭

芳幄覆雲屏石奩開碧鏡支流日飛灑深處自疑瑩潛  
去不見跡清音常滿聽有時病朝醒來此心神醒

玄覽亭

瀟灑青林際，魚綠碧潭隈。  
淙流冒石下，輕波觸砌回。  
香風逼人度，幽花覆水開。  
故令無四壁，晴夜月光來。

裴溪

時御史已  
遇新恩

楚客憶關中，疏溪想汾水。  
縈紆非一曲，意態如千里。  
倒影羅文動微波，一作浪笑顏起。  
君今賜環歸，何人承玉趾。

飛練瀑

晶晶擲巖端，潔光如可把。  
瓊枝曲不折，雲片晴猶下。  
石堅激清響，葉動承餘灑。  
前時一作池明月中，見是銀河瀉。

蒙池

滌渟幽壁下深淨如無力風起不成文月來同一色地  
靈草木瘦人遠煙霞逼往往疑列仙圍碁在巖側

琴絲瀑

飛流透嵌隙噴灑如絲絃含暈迎初旭翻光破夕曛餘  
波遶石去碎響隔溪聞却望瓊沙際逶迤見脉分

雙溪

溪水遶雙島碧溪相並深浮花擁曲處遠影落中心閒

鷺久獨立曝龜驚復沉蘋風有時起滿谷簫韶音

月窟

濺濺漱幽石注入團圓處有如常滿杯承波清夜露巖  
曲月斜照林寒春晚煦遊人不敢觸恐有蛟龍護

武夫詞

有武夫過詫余以從軍之樂翌日質於通武之善  
經者則曰果有樂也夫威恣而賞勞則樂用威雄  
而賞競則樂橫顧其樂安出耳余惕然作是詞

武夫何沈沈衣紫襲絳裳借問胡為爾列校在鷹揚依  
倚將軍勢交結少年場探丸害公吏抽刃妒名倡家產  
既不事顧盼自生光一作醒歌高樓上袒裼大道傍昔  
為編戶人秉耒甘哺糠今來從軍樂躍馬飮膏粱猶思  
風塵起無種取侯王

虎丘寺路宴

青林虎丘寺林際翠微路立見山僧來遙從鳥飛處茲  
峰淪寶玉千載惟丘墓埋劍人空傳鑿山龍已去捫蘿

披翳蒼路轉夕陰遽虎嘯崖谷寒猿鳴松杉暮徘徊北  
樓上海江窮一顧日映千里帆鷗歸萬家樹暫因悵所  
適果得捐外慮庭暗棲還雲簷香滴甘露久迷空寂理  
多為聲華故永欲投此山餘生豈能悞

缺題

故人日已遠窗下塵滿琴坐對一樽酒恨多無力斟暮  
疏螢色迥露重月華深萬境與羣籟此時情豈任

晚步楊子游南塘望沙尾

淮海多夏雨，曉來天始晴。  
蕭條長風至，千里孤雲生。  
卑濕久喧濁，寒開偶虛清。  
客遊廣陵郡，晚出臨江城。  
郊外綠楊陰，江中沙嶼明。  
歸帆翳盡日，去櫂聞遺聲。  
鄉國殊渺漫，羈心目懸旌。  
悠然京華意，悵望懷遠程。  
薄暮大山，上翩翩雙鳥征。

和浙西李大夫晚下北固山喜徑松成陰悵然  
懷古偶題臨江亭并浙東元相公所和依本韻  
一辭溫室樹，幾見武昌柳。  
荀謝年何少，韋平望已久。  
種

松夾石道紆組臨沙阜目覽帝王州心存股肱守葉動  
驚綵翰波澄見頽首晉宋齊梁都千山萬江口煙散隋  
宮出濤來海門吼風俗太伯餘衣冠永嘉後江長天作  
限山固壤無朽自古稱佳麗非賢誰奄有八元邦族盛  
萬石門風厚天柱揭東溟文星照北斗高亭一騁望舉  
酒共為壽因賦詠懷詩遠寄同心友禁中晨夜直江左  
東西偶將手握兵符儒晉盤貴綬頒條風有自立事言  
無苟農野聞讓耕軍人不使酒用材當構厦知道寧窺

牖誰謂青雲高  
鵬飛終背負

始至雲安寄兵部韓侍郎中書白舍人二公近

曾遠守故有屬焉

天外巴子國山頭白帝城  
波清蜀棟盡雲散楚臺傾  
迅瀨下哮吼兩岼勢爭衡  
陰風鬼神過暴雨蛟龍生  
硤斷見孤邑江流照飛甍  
蠻軍擊嚴鼓笮馬引雙旌  
望闕遙拜舞分庭備將迎  
銅符一以合文墨紛來縈  
暮色四山起愁猿數處聲  
重關羣吏散靜室寒燈明  
故人青霞意

飛舞集蓬瀛昔曾在池籞應知魚鳥情



御定全唐詩卷三百五十五

欽定四庫全書

集部

御定全唐詩卷三百五十六至  
八

詳校官庶吉士臣胡 鈺

主事銜臣徐以坤覆勘

總校官知縣

臣

繆

琪

校對官學正

臣

李

巖

謄錄監生

臣

于希賢

欽定四庫全書

御定全唐詩卷三百五十六

劉禹錫

更衣曲

博山炯炯吐香霧紅燭引至更衣處夜如何其

一作如何其夜

夜漫漫鄰雞未鳴寒雁渡庭前雪壓松桂叢廊下點點  
懸紗籠滿堂醉客爭笑語嘈囀琵琶青幕中

桃源行

漁舟何招招浮在武陵水拖

一作垂

綸擲餌信流去誤入

桃源行數里清源尋盡花綿綿踏花覓徑至洞前洞門

蒼黑煙霧生暗行數步逢虛明俗人毛骨驚仙子爭來

致詞何至此須臾皆破冰雪顏笑言

一作語

委曲問人

一作

世間因嗟隱身來種玉不知人世

一作間

如風燭筵羞石

髓勸客煖燈爇松脂留客宿雞聲犬聲還相聞曉色葱

籠開五雲漁人振衣起出戶滿庭無路花紛紛翻然恐

失

一作迷

鄉縣處一息不肯桃源住桃花滿溪水似鏡塵

心如垢洗不去仙家一出尋無踪至今流水一作水山重

重

洞庭秋月行

洞庭秋月生湖心層波萬頃如一作語鎔金一作鎔黃金孤輪

徐轉光不定遊氣濛濛隔寒鏡是時白露三秋中湖平

月上天地空岳陽樓一作城頭暮角絕蕩漾已過君山東

山一作孤城蒼蒼夜寂寂水月逶迤繞城白蕩漿巴童歌

竹枝連檣估客吹羌笛勢高夜久陰力全金一作爽氣肅

肅開星

一作清

躔浮雲野馬歸四裔遙望星斗當中天天

雞相呼曙霞出歛影含光讓朝日日出喧喧人不閒夜

來清景非人間

九華山歌

并引

九華山在池州青陽縣西南九峯競秀神采奇異  
昔予仰太華以為此外無奇愛女兒荆山以為此  
外無秀及今年見九華始悼前言之容易也惜其  
地偏且遠不為世所稱故歌以大之

奇峰一見驚魂魄，意想洪鑪始開闢。疑是九龍天矯欲

攀天，忽逢霹靂一聲化。為石不然，何至今悠悠億萬年。

氣勢不死如騰仝

音騫輕舉貌一音媽

雲含幽兮月添冷，月凝暉

兮江漾影。結根不得要路津，迥秀長在無人境。軒皇封

禪登雲亭，大禹會計臨東溟。乘標

力最反山行具

不來廣樂絕

獨與猿鳥愁。青瑩君不見，敬亭之山黃

一作廣

索漠兀如

斷岸無稜角，宣城謝守

一作眺

一首詩，遂使聲名齊五岳。

九華山九華山自是造化一尤物，焉能籍甚乎人間。

秦娘歌 并引

秦娘本韋尚書家主謳者初尚書為吳郡得之命樂工誨之琵琶使之歌且舞無幾何盡得其術居一二歲攜之以歸京師京師多新聲善工於是又捐去故技以新聲度曲而秦娘名字往往見稱於貴遊之間元和初尚書薨於東京秦娘出居民間久之為蘄州刺史張憇所得其後憇坐事謫居武陵郡憇卒秦娘無所歸地荒且遠無有能知其容

與藝者故日抱樂器而哭其音焦殺以悲

一本此下有雄

字客聞之為歌其事以續於樂府云

秦娘家本閭門西門前綠水環金隄有時妝成好天氣

走上皋一作高橋折花戲風流太守韋尚書路傍忽見停

隼斝斗量明珠烏傳意紺纒迎入專城居長鬢如雲衣

似霧錦茵羅薦承輕步舞學驚鴻水榭春歌傳一作捺上

客蘭堂暮從郎西入帝城中肯遊簪組香簾櫳低鬢緩

視抱明月纖指破撥生胡風繁華一旦有消歇題劍無

光履聲絕洛陽舊宅生草萊杜陵蕭蕭松柏哀妝奩蟲  
網厚如蠶博山爐側傾寒灰蘄州刺史張公子白馬新

到銅駝里自言買笑擲黃金月墮雲中

一作月  
墮雲中

從此始

安知鵬鳥座隅飛寂寞旅魂招不歸秦嘉一作家鏡有前

時結韓壽香銷故篋衣山城少人江水碧斷鴈哀猿風

雨夕朱弦已絕為知音雲鬢未秋私自惜舉目風煙非

舊時夢尋

一作歸

歸路多參差如何將此千行淚更灑湘

江斑竹枝

龍陽縣歌

縣門白日無塵土  
百姓縣前挽魚罟  
主人引客登大隄

小兒縱觀黃犬怒  
鷓鴣驚鳴繞籬落  
橘柚垂芳一作芬照

窗戶沙平草綠見  
吏稀寂歷一作寒斜陽照縣鼓

牆陰歌

白日左右浮天潢一作光  
朝晡影入東西牆  
昔為兒童在

陰戲當時意小覺  
日長東鄰侯家吹笙簧  
隨陰促促移

象牀西鄰田舍乏  
糟糠就影汲汲春  
黃梁因思九州四

海外家家只占牆陰內莫言牆陰數尺間老却主人如  
等閒君看眼前光陰促中心莫學太行山

踏潮歌

并引

元和十年夏五月終風駕濤

一作大風駕潮

南海泛

一作羨

溢南人云踏潮也率三歲一有之客或言其狀因  
歌之

屯門積日無回颿滄波不歸成踏潮轟如鞭石矧且搖  
巨空欲駕龜鼉橋驚湍感縮悍而驕大陵高岬失岩堯

四邊無阻音響調  
背負元氣掀重霄  
介鯨得性方逍遙  
仰鼻噓吸揚朱翹  
海人狂顧迭相招  
罽衣髻首聲哢哢  
征南將軍登麗譙  
赤旗指麾不敢驚  
翌日風回沴氣消  
歸濤納納景昭昭  
烏泥白沙復滿海  
海色不動如青瑤

白鷺兒

白鷺兒最高格  
毛衣新成雪不敵  
衆禽喧呼獨凝寂  
孤眠芊芊草久立  
潺湲石前山正無  
雲飛去入遙碧

平齋行二首

胡塵昔起薊北門河南地屬平盧軍貂裘代馬繞東岳  
澤陽孤桐削為角地形十二虜意驕思澤含容歷四朝  
魯人皆解帶弓箭齊人不復聞簫韶今朝天子聖神武  
手握玄符平九土初哀狂童襲故事文告不來方振怒  
去秋詔下誅東平官軍四合猶嬰城春來羣鳥噪且驚  
氣如壞山墮其戾牙門大將有劉生夜半射落攬搶星  
帳中虜血流滿地門外三軍舞連臂一作舞驛騎函首  
過黃河中無賊天氣和朝廷侍郎來慰撫耕夫滿野

行人歌

泰山沈寇六十年  
旅祭不享生愁煙  
今逢聖君欲封禪  
神使陰兵來助戰  
妖氛掃盡河水清  
日觀杲杲卿雲見  
開元皇帝東封時  
百神受職爭奔馳  
千鈞猛蘆順流下  
洪波涵淡浮熊羆  
侍臣燕公秉文筆  
玉檢告天無媿詞  
當今睿孫承聖祖  
岳神望幸河宗舞  
青門大道屬車塵  
共待歲蕤翠華舉

送裴處士應制舉詩并引

晉人裴昌禹讀書數千卷於周官小戴禮尤邃性嗜古敢言雖侯王不能卑下故與世相參差凡抵有位以索合行天下幾遍常歎諸侯莫可遊欲一見天子而未有路會今年詔書徵賢良昌禹大喜以為可以盡豁平生搏髀躍曰一觀雲龍庭足矣繇是裏三月糧而西徂洛予以七言為遊之資藉耳

裴生久在風塵裏氣勁言高少知己注書曾學鄭司農

歷國多於孔夫子往年訪我到連州無窮絕境終日遊

登山雨中

一作日長

試蠟屐入洞夏裡披貂裘白帝城邊又

相遇歛翼三年不飛去忽然結束如秋蓬自稱對策明

光宮人言策中說何事掉頭不答看飛鴻彤庭翠松迎

曉日鳳銜金榜雲間出中

一作七

貴腰鞭立傾酒

一作傾酒能

宰臣委佩觀搖筆古稱射策如彎弧一發偶中何時無

由来草澤無忌諱努力滿挽當亨

一作雲

衢憶得當

一作童

年識君處嘉禾驛後聯牆住垂釣釣得王餘魚踏芳共

登蘇小墓此事今同夢想間相看一笑且開顏老大希  
逢舊鄰里為君扶病到方一作芳山

三鄉驛樓伏覩玄宗望女几山詩小臣斐然有

感

開元天子萬事足唯惜當時光景促三鄉陌上望仙山  
歸作霓裳羽衣曲仙心從此在瑤池三清八景相追一作  
催一作隨天上忽乘白雲去世間空一作有秋風詞

城西行

城西簇簇三叛族叛者為誰蔡吳蜀中使提刀出禁來  
九衢車馬轟如一作雷臨刑與酒杯未覆讐家白官先  
請內守吏能然董卓臍飢烏來覘桓玄目城西人散秦  
階平雨洗血痕春草生

武昌老人說笛歌

武昌老人一作將七十餘手把庾令相問書自言少小一作

少年學吹笛早事曹王曾賞激往年鎮戍到一作征一作鎮戍一作蘄州

楚山蕭蕭笛竹秋當時買材恣搜索典却身上烏貂裘

古苔蒼蒼封老節石上

一作山

孤生飽風雪商聲五音

一作

商音五聲隨指發水中龍應行雲絕曾將黃鶴樓上吹一聲

占盡秋江月如今老去語尤

一作興猶

遲音韻高低耳不知

氣力已微心尚在時時一曲夢中吹

西山蘭若試茶歌

山僧後檐茶數叢春來映竹抽新茸宛然為客振衣起  
自傍芳叢摘鷹觜斯須炒成滿室香便酌砌下金砂水  
驟雨松聲入鼎來白雲滿盃花徘徊悠揚噴鼻宿醒散

清峭徹骨煩襟開陽崖陰嶺各殊氣未若竹下莓苔地  
炎帝雖嘗未解煎桐君有錄那知味新芽連拳半未舒  
自摘至煎俄頃餘木蘭露一作露香微似瑤草臨波色  
不如僧言靈味宜幽寂采采翹英為嘉客不辭緘封寄  
郡齋輒并銅爐損標格何況蒙山顧渚春白泥赤印走  
風塵欲知花乳清冷味須是眠雲跂石人

聚蚊謠

沈沈夏夜蘭堂開飛蚊伺暗聲如雷嘈然歛起初駭聽

殷殷若自南山來，喧騰鼓舞喜昏黑。昧者不分聽者惑，  
露花滴瀝月上天。利觜迎人著不得，我一作微軀七尺爾  
如芒。我孤爾衆能我傷，天生有時不可遏。為爾設幄潛  
匡牀，清商一來秋日曉。羞爾微形飼丹鳥。

百舌吟

曉星寥落春雲低，初聞百舌間關啼。花樹一作枝滿空迷  
處所，搖動繁英墜。紅雨笙簧百轉音，韻多黃鸝吞聲燕。  
無語東方朝日遲，遲升迎風弄景如自矜。一作驚數聲不

盡又飛去何許

一作處

相逢綠楊路，綿蠻宛轉似娛人。一

心百舌何紛紛，酖顏俠少停歌聽。墜珥妖姬和睡聞，可

憐光景何時盡。誰能低回避鷹隼，廷尉張羅自不關。潘

郎挾彈無情損，天生羽族爾何微。舌端萬變乘春暉，南

方朱鳥一朝見，索漠

一作冥

無言蒿下飛。

飛鳶操

鳶飛杳杳青雲裏，鳶鳴蕭蕭風四起。旗尾飄揚勢漸高，  
箭頭若畫聲相似。長空悠悠霧日懸，六翮不動凝風

一作

飛煙一作飛遊鷗翔鴈出其下慶雲清景相回旋忽聞

凝煙

饑鳥一噪聚瞥下雲中爭腐鼠騰音礪吻相喧呼仰天

大嚇疑鷓鴣畏人避犬投高處俛啄無聲猶屢顧青鳥

自愛玉山禾仙禽徒貴華亭一作山露樸一作棘邀一作危巢向

暮時毡毳飽腹蹲枯枝遊童挾彈一麾肘一作射臆碎羽

分人不悲天生衆禽各有類威鳳文章在仁義鷹隼儀

形螻蟻心雖能戾天何足貴

秋螢引

漢陵秦苑遙蒼蒼  
陳根腐葉秋螢光  
夜空寥寂金氣淨  
千門九陌飛悠揚  
紛綸暉映互明滅  
金爐星噴鎧花發  
露華洗濯清風吹  
低昂不定招搖垂  
高麗杲恩照蛛網  
斜歷璇題舞羅幌  
曝衣樓上拂香帚  
承露臺前轉仙掌  
槐市諸生夜讀一作對  
書北窗分明辨魯魚  
行子東山起  
征思中郎騎省悲  
秋氣銅雀人歸自  
入簾長門帳開來  
照淚誰言向晦常  
自明兒童走步嬌  
女爭天生有光  
非自街遠近低昂  
暗中見撮蚊妖鳥  
亦夜起一作飛  
翅如車

輪而已矣

一作人不見

傷秦姝行

河南房開士前為虞部郎中為余語曰我得善箏  
人於長安懷遠里其後開士為赤縣牧容州求國  
工而誨之藝工而天今年開士遺余新詩有悼佳  
人之句顧余知所自也惜其有良妓獲所從而  
不克久乃為傷詞以貽開士

長安二月花滿城插花女兒彈

一作弄

銀箏南宮仙郎下

朝晚曲頭駐馬聞新聲馬蹄逶迤心蕩漾高樓已遠猶  
頻望此時意重千金輕烏傳消息紺輪迎芳筵銀燭一  
相見淺笑低鬟初目成蜀弦錚攄指如玉皇帝弟子韋

家曲青牛文梓赤金簧玫瑰寶柱秋鴈行斂蛾收袂凝  
清光抽弦緩調怨且長八鸞鏘鏘渡銀漢九雛威一作成

鳳鳴朝陽曲終韻盡意不足餘思悄絕愁空堂從郎鎮  
南別城闕樓船理曲瀟湘月馮夷踰躑舞淶波鮫人出

聽停綃梭北池含煙瑤草短萬松亭下清風滿

北池萬松皆容

州勝

秦聲一作歌

一曲此時聞嶺泉鳴咽南雲

一作賜堪斷來

自長陵小市東薜華零落瘴江風侍兒掩泣收一作悲銀

甲鸚鵡不言愁玉籠博山爐中香自滅鏡奩塵暗同心

結從此東山非昔遊長嗟人與弦俱絕

競渡曲

競渡始於武陵及今舉檝而相和之其音咸呼云何在斯招屈之義事見圖經

沅一作湘

江五月平堤流邑人相將浮綵舟靈均何年歌

已矣哀謠振楫從此起楊桴一作柁擊節雷闐闐亂流齊

進聲轟然蛟龍得雨鬢鬣動蠓蝻飲河形影聯刺史臨

流褰翠幃揭竿命爵分雄雌先鳴餘勇爭鼓舞未至銜  
枚顏色沮百勝本自有前期一飛由來無定所風俗如  
狂重此時縱觀雲委江之湄綠旂夾岸照蛟室羅韞凌  
波呈水嬉曲終人散空愁暮招屈亭前水東注

翰林白二十二學士見寄詩一百篇因以答貺

一作  
贈

吟君遺我百篇詩使我獨坐形神馳玉琴清夜人不語  
琪樹春朝風正吹郢人斤斲無痕跡仙人衣裳棄刀尺

世人方內欲相尋行盡四維無處覓

憶春草

春草樂天  
舞妓名

憶春草處處多情洛陽道金谷園中見日遲銅駝陌上  
迎風早河南大尹頻出難只得池塘十步看府門閉後  
滿街月幾處遊人草頭歌館娃宮外姑蘇臺鬱鬱芊芊  
撥不開無風自偃君知否西子裙裾曾拂來

樂天寄憶舊遊因作報白君以答

報白君別來幾度江南春江南春色何處好燕子雙飛

故官道春城三百七十橋  
夾岸朱樓隔柳條  
了頭小兒蕩畫槳  
長袂女郎簪翠翹  
郡齋北軒卷羅幕  
碧池逶迤遶畫閣  
池邊綠竹桃李花花下  
舞筵鋪彩霞  
吳娃足情言語  
黠越客有酒巾冠斜  
坐中皆言白太守  
不負風光向杯酒  
酒酣襍飛逸韻  
至今傳在人口  
報白君相思空望  
嵩丘雲其奈錢塘  
小小憶君淚點石  
榴裙

有妓近自洛歸錢塘

兩如何詩謝裒令公贈別二首

一言一顧重重何如今日陪遊清洛苑昔年別入承明  
廬

一東一西別別何如終期大冶再鎔鍊願託扶搖翔碧  
虛

唐侍御寄遊道林嶽麓二寺詩并沈中丞姚員  
外所和見徵繼作

湘西古刹雙蹲蹲羣峰朝拱如駿奔青松步障深五里  
龍宮黯黯神為閭高殿呀然壓蒼巘俯瞰長江疑欲吞

橘洲泛浮金寶動水郭繚繞朱樓騫語餘百響入天籟  
衆竒引步輕翩翩泉清石布博一作似棋子蘿密鳥韻如  
簧言回廊架險高且曲新徑穿林明復昏淺流忽濁山  
獸過古木半空天火痕星使雙飛出禁垣元侯餞之遊  
石門紫髯翼從紅袖舞竹風松雪香溫麝遠持清瑣照  
巫峽一戛驚斷三聲猿靈山會中身不預吟想峭絕愁  
精魂恨無黃金千萬餅布地買取為丘園

將赴汝州途出浚下留辭李相公

長安舊遊四十載，鄂渚一別十四年。後來富貴已零落，

歲寒松柏猶尚。

一作

依然初逢貞元尚，文主雲闕天池共。

翔舞相看却數六朝臣，屈指如今無四五。夷門天下之

咽喉，昔時往往生瘡疣。聯翩舊相來鎮壓，四海吐納皆

通流。久別凡經幾多事，何由說得平生意。

一作

千思萬

慮盡如空一笑，一言真可貴。

一作

世間何事最殷勤，白

頭將相逢故人，功成名遂會歸老。請向東山為近鄰。

平蔡州三首

蔡州城中衆心死，妖星夜落照壕。

一作河

水漢家飛將下。

天來馬箠一揮門洞開，賊徒崩騰望旗拜。有若羣蟄驚。

春雷狂童面縛登檻車，太白

一作大帛

夫矯垂捷書相公從。

容來鎮撫常侍郊迎，負文弩四人歸業閭。里閒小兒跳。

浪一作跟跳健兒舞。

汝南晨雞喔喔鳴城頭，鼓角音和平。路傍老人憶舊事。

相與感激皆涕零，老人收泣

一作淚

前致辭官軍入城人。

不知忽驚元和十二載，重

一作喜

見天寶承平時。

九衢車馬渾渾流使臣來獻淮西囚四夷聞風失七筋

一作皆失據  
一作皆失筋

天子受賀登高樓妖童擢髮不足數血汚

城西一杯土南峯

一作烽  
一作風

無火楚澤閒夜行不鎖穆陵

關策勲禮畢天下秦猛士按劍看恒山

時唯恒  
山不庭

送僧仲剏東遊兼寄呈靈澈上人

釋子道成神氣閒住持曾上清涼山晴空

一作清室禮拜見

真像金毛五

一作五

髻卿雲間西遊長安

一作樂

棣僧籍本

寺門前曲江碧松間白月照寶書竹下香泉灑瑤席前

時學得經論成，奔馳象馬開禪局。高筵談柄一麾拂，講

下門徒如醉醒。舊聞南方多長一作禪，老次第來入荆門。

道荆州本自重，彌一作諸天南朝塔廟猶依然。宴坐東陽

枯樹下，經行居止一作此。故臺邊忽憶遺民社，中客為我

衡陽駐。飛錫講罷同尋相，鶴經閑來共蠟登。山屐一旦

揚眉望沃州，自言王謝許一作與。同遊憑將雜擬三十首

寄與江南湯慧休。

觀棋歌送僊師西遊

長沙男子東林師閒讀藝經工奕棋有時凝思如入定

暗覆一局誰能知今年訪予來小桂方袍袖中貯新勢

山人無事秋

一作愁

日長白晝惜惜眠匡牀因君臨局看

鬪智不覺遲景沈西牆自從仙

一作山

人遇樵子直到開

元王長史前身後身付餘習百變千化無窮

一作看已初

疑磊落曙天星次見搏擊三秋兵鴈行布陳衆未曉虎

穴得子人皆驚行盡三湘不逢敵終日饒人損機格自

言臺閣有知音悠然遠起西遊心商山夏木陰寂寂好

處徘徊駐飛錫忽思爭道畫一作盡平沙獨笑無言心有  
適藹藹京城在九天貴遊豪士足華筵此時一行出人  
意賭取聲名不要錢

吐綬鳥詞 并序

滑州牧尚書李公以吐綬鳥詞見示兼命繼聲益  
尚書前為御史時所作有翰林二學士同賦之今  
所謂追和也鳥之所異具於本篇

越山有鳥翔寥廓唳中天一作吐綬光若若越人偶見而

奇之因名吐綬江南知四明天姥神仙地朱鳥星精鍾  
異氣赤玉雕成彪炳毛紅綃翦出玲瓏翅湖煙始開山  
日高迎風吐綬盤花條臨波似染瑯琊草映葉疑開阿  
母桃花紅草綠人間事未若靈禽自然貴鶴吐明珠暫  
報恩鵲銜金印空為瑞春和秋霽野花開翫景尋芳處  
處來翠幕雕籠非所慕珠丸柘彈莫相猜棲月唬煙凌  
縹緲高林先見金霞曉三山仙路寄遙情刷羽揚翹欲  
上征不學碧雞依井絡願隨青鳥向層城太液池中有

黃鵠憐君長向高枝宿如何一借羊角風來聽簫韶九  
成曲

八月十五日夜桃源翫月

塵中見月心亦閒況是清秋仙府間凝光悠悠寒露墜  
此時立在最高山碧虛無雲風不起山上長松山下水  
羣動倏然一顧中天高地平千萬里少君引我昇玉壇  
禮空遙請真仙官雲輶欲下星斗動天樂一聲肌骨寒  
金一作朝霞昕昕漸東上輪歌影促猶頻望絕景良時難

再并他年此日應惆悵

叔父元和中徵昔事為桃源行後貶官武陵復為翫月作並題

於觀壁爾來星紀再周既牽故此郡仰見文字闕缺伏慮他年轉將塵沒故鶴在貞石以期不朽太和四年既

謹記

送鴻舉遊江南

并引

始余謫朗州爾時是師振麻衣斐然而前持文篇  
以為僧誓唧唧而清如蟲吟秋自然之響無有假  
合有足佳者故為賦二章以聲之距今年過於建  
平赤顛益蕃文思益深而內外學益富既訊已探

紙中出前所與詩閱之紙勞墨瘁與我同來因思  
夫冉冉之光渾渾之輪時而言有初中後之分日  
而言有今昨明之稱身而言有幼壯艾之期乃至  
一警歎一彈指中際皆具何必求三生以異身耶  
然而視予之文昔與今有筵楹之別視予之書昔  
與今有鈞石之懸視予之仕昔與今乃唯阿之差  
耳豈有工拙之數存乎其間哉蓋可勉而進者與  
日月而至矣彼儻來外物雖日月無能至焉是歲

師告予遊江西復為賦七言以為遊地耳

禪客學禪魚學文出山初似無心雲從風卷舒來何處

繚繞巴山不得去山州

一作川

古寺好門居讀盡龍王宮

裏書使君灘頭揀石硯白帝城邊尋野蔬忽然登高心

瞥起又欲浮杯信流水煙波浩淼魚鳥情東去三千三

百里荆門峽

一作峽

斷無盤渦湘平漢闊清光多廬山霧

開見瀑布江西月淨聞漁歌鍾陵八郡多名守半是西

方社中友與師相見便談空想得

一作

高齋

一作

獅子吼

採菱行

并引一作採菱女

武陵俗嗜菱，歲秋矣。有女郎盛遊於馬湖，薄言採之歸，以御容。古有採菱曲，罕傳其詞，故賦之以

俟採詩者

白馬湖平秋日光，紫菱如錦綵。鴛鴦翔蕩舟，遊女滿中央。採菱不顧馬上郎，爭多逐勝紛相向。時轉蘭橈破輕浪，

長鬟弱袂動

一作披

參差釵影釧文

一作紋

浮蕩漾笑語哇

咬顧晚暉，蓼花緣岸扣舷

一作船

歸歸來共到市橋步野

蔓繫船萍滿

一作惹

衣家家竹樓臨廣陌下有連橋多估

客攜觴薦芟夜經過醉踏大隄相應歌屈平祠下沅江  
水月照寒波白煙起一曲南音此地聞長安北望三千  
里

和牛相公南溪醉歌見寄

脫屣將相守冲謙唯於山水獨不廉枕伊背洛得勝地  
鳴臯少室來軒簷相形面勢默指畫言下變化隨顧瞻  
清池曲榭人所致野趣幽芳天與添有時轉入潭島間

珍木如幄藤為簾忽然便有江湖思沙磔平淺草纖纖  
怪石釣出太湖底珠樹移自天台尖崇蘭迎風綠泛豔  
圻蓮含露紅襜褕廊架空遠岫入弱柳覆檻流波霑  
渚蒲抽芽一作英劒脊動岸荻迸笋錐頭銛攜觴命侶極  
永日此會雖數心無厭人皆置莊身不到富貴難與道  
遙兼唯公出處得自在決就放曠辭炎炎座賓盡歡恣  
談謔媿我掉頭還奮髯能令商於多病客亦覺自適非

沈潛

和浙西李大夫霜夜對月聽小童吹箏篋歌依

本韻

海門雙青暮煙歇萬頃金波湧明月侯家小兒能箏篋  
對此清光天性發長江凝練樹無風瀏慄一聲霄漢中  
涵胡畫角怨邊草蕭瑟清蟬吟野叢冲融頓挫心使指  
雄吼如風轉如水思婦多情珠淚垂仙禽欲舞雙翅起  
郡人寂聽衣滿霜江城月斜樓影長纔驚指下繁韻息  
已見樹杪明星光謝公高齋吟激楚戀闕心同在羈旅

一奏荆人白雪歌如聞雒客扶風邸吳門水驛接山陰  
文字殷勤寄意深欲識陽陶能絕處少年榮貴道傷心

歎水別白二十二

一韻至  
七韻

水至清盡羨從一勺至千里利物時行時止道性  
淨皆然交情淡如此君遊金谷堤上我在石渠署裏兩  
心相憶似流波潺湲日夜無窮已

同留守王僕射各賦春中一物從一韻至七

鶯能語多情春將半天欲明始逢南陌復集東城林疎

時見影花密但聞聲營中緣催短笛樓上來定哀箏千  
門萬戶垂楊裏百轉如黃煙景晴

傷我馬詞

生於磧礧善馳走萬里南來困丘阜青菰寒菽非適口  
病聞北風猶舉首金臺已平骨空朽投之龍淵從爾友

清湘詞

一作瀟湘曲

二首

湘水流湘水流九疑雲物至今愁君問二妃何處所零

陵香草雨

一作露

中收

斑竹枝斑竹枝淚痕點點寄相思楚客欲聞瑤瑟怨瀟  
湘深夜月明時

和樂天春詞依憶江南曲拍為句

春去也多謝洛城人弱柳從風疑舉袂叢蘭裊露似霑  
巾獨坐亦含嚔

春過也笑惜豔陽年猶有桃花流水上無辭竹葉醉樽  
前惟待見青天

澤宮詩 四言

秩秩澤宮有的維鵠祁祁庶士於以干祿彼鵠斯微若  
止若翔千里之差起於毫芒我矢既直我弓既良依於  
高墉因我不臧高墉伊何維器與時視之以心誰謂鵠  
微

酬令狐相公六言見寄

六言

已嗟別離太遠更被光陰苦催吳苑燕辭人去汾川鴈  
帶書來愁吟月落猶望憶夢天明未回今日便令歌者  
唱凡詩送一杯

荅樂天臨都驛見贈

六言

北固山邊波浪東，  
都城裏風塵世事不同。  
心事新人何似故人。

再贈樂天

六言

一政政官軋軋，  
一年年老駸駸。  
身外名何足算，  
別到一作

來詩且同吟。

酬楊侍郎憑見寄

六言

十年毛羽摧頽，  
一旦天書召回。  
看看瓜時欲到，  
故侯也。

好歸來

御定全唐詩卷三百五十六